



PRIMLJENO	11-12-2025
Klasifikacija	Redni broj
01	04 39560-87

Broj: 01-9-02-2-4943/25
Sarajevo, 10.12.2025. godine

SKUPŠTINA KANTONA SARAJEVO
n/r predsjedavajućeg Skupštine ✓

PREDMET: Odgovor na zastupničko pitanje zastupnika Selmanović Faruka, dostavlja se;
VEZA: Vaš akt broj: 01-04-39560-2/25 od 15.07.2025. godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- br. 41/12-Drugi novi prečišćeni tekst, 15/13, 47/13, 47/15, 48/16 i 17/22), dostavljamo odgovor na zastupničko pitanje, koje je u okviru 24. redovne sjednice Skupštine Kantona Sarajevo uputio zastupnik Selmanović Faruk, a koje je glasilo: „Na osnovu kojih kriterija i stručnih analiza su izabrana oklopna vozila Ministarstva unutrašnjih poslova Kantona Sarajevo, da li su prilikom nabavke uzeti u obzir kapaciteti servisiranja navedenih vozila, te postoji li na teritoriji BiH ovlašteni serviser i ko će snositi troškove održavanja navedenih vozila nakon isteka garantnog roka.“.

Odgovor:

„Dostavljamo Vam akt Uprave policije, Ministarstva unutrašnjih poslova Kantona Sarajevo broj:02/1-79/25 od 09.12.2025. godine, koji predstavlja odgovor na gore navedeno zastupničko pitanje..“

S poštovanjem,

Prilog:

1. Akt Ministarstva unutrašnjih poslova Kantona Sarajevo, Uprave policije broj: 02/1-79/25 od 09.12.2025. godine;
2. CD x1.

Dostaviti:

- ① Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.





Broj: 02/1- 49/25

Datum: 09.12.2025.godine

KANTONA SARAJEVO

Ministarstvo unutrašnjih poslova - Sekretar

PREDMET: Zastupnička pitanja Selmanović Faruka, odgovori - dostavljaju se.
Veza: Vaš akt broj: 01-9-02-2-4943/25 od 22.07.2025.godine

Poštovani,

u vezi zastupničkih pitanja Selmanović Faruka, koja se odnose na realizaciju kreditnog zaduženja Kantona Sarajevo za nabavku tri specijalna oklopna vozila za potrebe Ministarstva unutrašnjih poslova Kantona Sarajevo, dostavljamo odgovore, kako slijedi:

1. Na osnovu kojih kriterija i stručnih analiza je izabran proizvođač vozila?

Nabavka specijalnih oklopnih vozila predstavlja stratešku investiciju u jačanje operativnih kapaciteta MUP-a KS, u cilju efikasnog odgovora na savremene sigurnosne izazove, zaštite građana i imovine, kao i očuvanja javnog reda i mira. Nabavka se vrši isključivo na transparentan način, sa definisanjem minimalnih tehničkih specifikacija i uslova, koji su jasno navedeni u tenderskoj dokumentaciji, u skladu sa Zakonom o javnim nabavkama Bosne i Hercegovine. Tokom procesa pripreme i provođenja nabavke specijalnih oklopnih vozila nepreferira se bilo koji proizvođač, niti ponuđač. Definisanje tehničkih specifikacija je isključivo u cilju osiguranja:

1. da su vozila radjena na najboljoj i najčešće korištenoj platformi za tu vrstu vozila u svijetu;
2. da imaju visok nivo balističke zaštite i sigurnosti za policijske službenike u operativnim uslovima, što se dokazuje testovima koje provode nezavisne ovlaštene agencije/tijela iz tih oblasti;
3. da su vozila pouzdana i funkcionalna u različitim operativnim situacijama (uspješno savladavanje prepreka, savladavanje terena do određenog bočnog nagiba, i sl.), a što se dokazuje testovima provedenim od strane ovlaštene agencije/tijela iz tih oblasti;
4. kompatibilnost sa postojećom opremom i sistemima MUP-a KS;
5. da su cjenovno konkurentna;
6. da je što kraći rok isporuke.

Ponuđač koji ispuni sve propisane minimalne tehničke uslove i ponudi najpovoljniju cijenu u skladu sa kriterijima ocjene ponuda, bit će izabran u zakonski propisanom postupku. Takođe, u tenderskoj dokumentaciji nisu navođene referentne liste ili komercijalne rang-liste pojedinih proizvođača, upravo iz razloga kako bi se omogućila fer i konkurentna tržišna utakmica, te se osiguralo da proces bude otvoren za sve pravno i tehnički kvalifikovane subjekte.

2. Da li su prilikom nabavke uzeti u obzir kapaciteti servisiranja ovih vozila na teritoriji Kantona Sarajevo i/ili Bosne i Hercegovine? Ako postoji, molim da navedete tačno koji.

Uprava policije je u potpunosti svjesna značaja osiguranja dugoročne tehničke podrške za specijalna vozila, te je u tenderskoj dokumentaciji izričito propisano da ponuđač mora obezbijediti postojanje ovlaštenog servisa na teritoriji Bosne i Hercegovine. Ovaj uslov je jasno naglašen kako bi se osiguralo:

1. dostupno i efikasno održavanje u garantnom i postgarantnom roku;
2. minimalni operativni zastoji;
3. dugoročna ispravnost i sigurnost vozila.

Identitet i lokacija ovlaštenog servisa bit će poznati nakon završetka postupka i odabira najpovoljnijeg ponuđača. Međutim, servisna dostupnost u BiH je već sada preduslov za uspješnu validaciju ponude, i bez njenog ispunjenja ponuda se neće smatrati prihvatljivom.

3. Ko snosi troškove održavanja nakon isteka garancije?

Troškove redovnog i vanrednog održavanja vozila nakon isteka garantnog roka snosi Uprava policije, u skladu sa internim pravilnicima o održavanju službenih vozila, kao što je slučaj sa svim drugim službenim vozilima i tehničkom opremom.

S poštovanjem,

